

17/10/2003

IRCICA lancar Anugerah Mahathir

PUSAT Penyelidikan Sejarah, Seni dan Budaya Islam (IRCICA) yang dikendalikan Pertubuhan Persidangan Islam (OIC), semalam melancarkan anugerah pendidikan yang dinamakan Anugerah Mahathir Untuk Pengajian Islam.

Pelancarannya diumumkan oleh Ketua Pengarah IRCICA, Prof Dr Ekmeleddin Ihsanoglu sempena perasmian Sidang Kemuncak ke-10 OIC, di Pusat Konvensyen Putrajaya, semalam.

Anugerah yang antara lain sebagai penghargaan kepada Perdana Menteri Datuk Seri Dr Mahathir Mohamad itu dilancarkan pada akhir sesi perasmian sidang kemuncak itu pagi semalam.

Berucap mengumumkan pelancaran anugerah itu, Dr Ekmeleddin berkata, ia adalah simbol penghargaan terhadap sumbangan serta sokongan Dr Mahathir kepada usaha penyelidikan dan pembangunan dunia Islam.

Katanya, program itu juga bertujuan menggalakkan pengajian kebudayaan Islam di kalangan pelajar muda Islam.